

浙江文叢

國權

〔第十一冊〕

浙江出版聯合集團
浙江古籍出版社

浙江文叢

國權

〔第十一冊〕
卷三十二至卷三十五

江出版聯合集團
江古籍出版社

〔明〕談遷 著

國權

益
國
錄
本
卷

起成化二十三年八月

盡弘治四年

孝宗建天明道誠純中正聖文神武至仁大德敬皇帝諱
祐橈憲宗純皇帝第三子也母淑妃紀氏成化六年七
月己卯生時畏萬貴妃弗敢言成化十一年五月上始
知之賜名太皇太后親撫之六月紀氏遽薨深自晦也
十一月立為皇太子九歲出就學善讀未嘗悞上作文
筆大訓講必拱聽典璽覃吉日夕啟導凡句讀禮文朝

事民情俱詳說源委上耳藝文館養啟聖吉之力也

成化丁未八月戊辰朔戊子憲宗賓天

己丑頒遺詔

甲午禮部右侍郎倪岳卜山陵

九月壬寅皇太子即皇帝位大赦詔曰維我祖宗聖聖相承膺天明命為天下主其創業守成神功聖德誠度越往古矣暨我皇考大行皇帝嗣統深仁厚澤覆冒海隅二紀於茲而憂勤求治之心猶宵旰靡遑因臻違豫遽出綴衣忍聞憑几之言猥以神器之屬哀疚方殷罔知攸措時親王文武群臣下及耆老軍民合詞伏闕勸進

至於再三乃遵遺命九月六日祇告天地宗廟社稷即
皇帝位顧茲付畀之重深懼仔肩之難勉圖弘濟一惟
恢張治道惠綏黎元用底阜成濟於熙皞庶衍皇明億
萬年無疆之祚其以明年為弘治元年夫當居正體元
之初宜布更新恤下之典合行示條開示於後云云於
戲祖宗皇考大經大法啟祐我後人者纖悉具至繹思
體行在於渺躬尚賴遐邇宗親內外忠良同德一心恪
恭乃事以輔予之不逮誕告多方咸使知悉
丙午工部以甫詔寬恤喪儀物料不便取民乞如天順
八年例發內府見儲從之

丁未署通政司禮部左侍郎李孜省太常寺卿鄧常恩
趙玉芝凌中顧玘顧經曾克彰黃大經江懷李成等被
劾戍甘州等衛太監梁芳常興陳善降南京御用監少
監閑住都督同知萬喜降指揮使都指揮同知萬達指
揮同知萬祥降副千戶署太醫院事通政司施欽仲蘭
降太醫院使任義章淵劉文泰降院判鄭文貴降御醫
蔣宗儒錢宗甫降醫士胡廷寅削秩法王領占竹扎巴
堅叅等佛子釋迦啞兒荅國師捨剌星吉等下禮部審
處俱禮科給事中韓重御史陳穀等所劾也

申刻金星晝見

戊申上御西角門視事

賜寧王唐王瀋王慶王周王襄王鄭王岷王肅王遼王
蜀王楚王晉王淮王代王伊王魯王各三百金紵絲羅
十五雙紗十五疋錦三疋鈔三萬貫德王崇王吉王徽
王荆王趙王韓王鎮安王白金錦同紵絲羅紗殺其五
鈔二萬靖江王二百金鈔一萬餘同

吏科給事中王質上言四事斥異端罷進獻汰冗官禮
大臣上以異端冗官進獻已議之召見文武大臣朕自
處置其衰老許自陳

南京吏部主事夏崇文考滿入京上言簡學行名臣備

講讀仍便殿大書舊章故事于屏便觀覽更遠和佞祗
府庫裁光祿冗費革賦役宿弊放珍禽奇獸禁奇技淫
巧省匠作整軍馬減裡河船去異端邪術則德修朝廷
正矣上是之

雲南道監察御史向榮上言法王佛子假延壽之名供
具侍從倍於王侯近日先帝不豫文武臣庶皆齋拔一
心分詣各觀設醮誦經竟不能少延一日之壽以慰臣
下迫切之情則不足信明矣乞方士之類盡行逐逐上
以成事寢之

庚戌賜文武群臣軍民人等銀幣

安南國王黎灝入貢以大喪免引奏宴使臣徹樂

南京光祿寺卿雷澤卒定襄人天順八年進士

暹羅國王隆勃刺略坤息利尤地亞入貢上金葉表使
臣坤江悅言本國番書與回回書互用近者請封金葉
表及符檄間有同異乞賜辨而番書不易諳命止用回
回書

辛亥作茂陵內官監太監黃順御馬監太監李良太傅
兼太子太師保國公朱永工部左侍郎陳政董之

壬子南京戶部尚書潘榮致仕

進士李文祥授咸寧縣丞文祥神氣傲倪一世時以爲

浮薄試之南京吏部主事夏崇文以為言不納

甲寅宣府龍門衛地震夜萬全都司地震俱有聲

乙卯上憲宗繼天凝道誠明仁敬崇文肅武宏德聖孝
純皇帝尊謚頒詔天下

丁巳魚臺縣丞徐頊上言先母后舊痛未伸請追謚遷
塋且詰萬喜等罪籍其產下廷議於是禮部等乞令中
官密訪萬貴妃近御人等求其確又逮萬氏戚屬曾入
宮者下詔獄訊問上以西宮明諭諸浮言置之初萬安
劉吉懼私謂尹直曰我絕妃家跡久矣幸上慈明不追
獄

戊午頒謚詔

己未山東右布政使王繼為右副都御史巡撫福建

庚申城廣昌縣

脩仁壽寺宮

工部右侍郎張悅修京通倉

辛酉總督漕運右副都御史周鵬復丘姓

翰林編修王鏊為侍講

夜月犯御女星

癸亥罷御馬監把總都督同知李玉白玉以傳奉也

乙丑以旱災免臨洮夏稅鞏昌糧芻

丙寅賜哈密衛左都督罕慎織幣二及甲冑弓矢并勞
使臣指揮使滿剌何力克及赤斤罕東番兵土魯番兀
也思太子兀也思王等公主貢馬

汾州天鳴有聲

召太監懷恩於鳳陽仍司禮監

十月丁卯朔盡罷傳陞官右通政任傑等五百六十四人
其額內見任仍存留餘降調閑住太常少卿顧綸博士
成復亨寺丞蕭崇玉廟官吳猷俱邪誑戍榆林

傳陞僧錄司禪師兼左善世等百二十人道錄司真人
高士兼左演法等百三十三人俱削禪師真人高士封

號追所賜王圭銀印

傳陞大慈恩寺法王佛子國師等四百三十七人及
刺麻僧等七百八十九人俱食大官 盡削秩遣回追
勅印儀仗

傳陞匠官工部右侍郎蒯綱太僕寺卿楊通順天通判
周禮興等十二人營繕所官王貴等千三百五十八人
命降綱順天府治中通通判餘降文思院軍器局副使
九品下俱奪秩

己巳大理寺左少卿楊理陝西布政司梁璟並為都院
右副都御史理巡撫河南璟巡撫湖廣兼贊理軍務

直文華殿大理寺卿朱奎太常寺卿任道遜被劾許致仕奎道遜俱國子生善書傳陞

庚午鎮守延綏總兵都督同知曾鑑致仕

甲戌戶部左侍郎王僎為南京戶部尚書南京吏部左

郎黎淳為南京戶部尚書南京禮部右侍郎侯瓚為南

京戶部左侍郎南京大理寺右少卿吳道宏為南京大

理寺卿

陝西都指揮使陳輝為靖鹵副將軍署都督僉事總兵

官鎮守延綏

夜月犯木星

乙亥上聖慈仁壽太皇太后皇太后尊號

夜大星自畢宿流北河光燭地尾跡化白氣如蛇曲

丙子立皇后張氏頒詔

傳陞通政使任傑李景華太常寺卿陳敷太僕寺卿楊
杞各降都司經歷光祿少卿千信工部郎中朱義尚寶
少卿嚴勲降外衛知事餘四十七人降布政司照磨都
司及長官司吏目

丁丑罷左府都督同知李俊

戊寅漕運總兵官署都指揮使都勝為中府署都督金
事

己卯即廣東封占城國王子古來為王護歸國勅安南
還其侵地初給事中李孟暘行人葉應受使而古來以
安南奪國奔廣州命南京右都御史屠瀟往議瀟奏占
城八州二十五縣安南盡之成化時入訴始歸邦都郎
馬那里等四州五縣又以一州三縣與叛臣提婆莒死
欲盡與其子而古來子蘇麻及土目萬人方固守待復
遂有是命

武成後衛改茂陵衛

壬午夜月犯昴宿

癸未左府都督同知王瑛致仕

甲申裁南京僧道錄司教坊司官

丁亥少師兼太子太師吏部尚書華蓋殿大學士萬安
免安寡廉鮮耻上宮中檢遺篋皆媚術悉署曰臣安進
使太監懷恩示之大慚猶覲位御史姜洪湯厲彈之使
懷恩示安展讀哭泣不言恩摘其牙牌而去乞休給廩
役在道猶夜望三台星覲復召

戊子刑部尚書杜銘劾罷

汰傳陞錦衣衛官廝降有差

己丑衍聖公孔弘泰入朝

壬辰上恭恪莊僖淑妃紀氏尊諡孝穆慈惠恭恪莊僖